



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

LXXXVIII. Erigitur in Provinciam Custodia S. Antonii Brasilien. Ord. Fr. Min.
de Obs.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

lxxxviii.

Erectio Custodiæ sub nomine Immaculatae Conceptionis B. V. Virginis in novam Provinciam cum dismembratione Provinciae S. Antonii Brasiliens. Ordinis Fratrum Minorum S. Francisci de Observantia Discalceatorum in Lusitania.

CLEMENS PAPA X.

Ad perpetuam rei memoriam.

Exordium.

Pastoralis Officii, quo Catholicae Ecclesiae per universum terrarum Orbem diffusæ regimini, divina dispositione præsidemus, sollicitudo nos admonet, ut felici, prosperoque Christi fidei, qui e fluctibus sæculi in portum vitæ religiosæ confugerunt, gubernio, atque directioni, etiam per novarum Provinciarum institutionem, providere interdum studeamus, sicut locorum, & personarum, & temporum qualitibus mature perpenfis ad gloriam, & Religionis incrementum, atque Animarum salutem expedire in Domino arbitramur.

§. 1. Exponi siquidem nobis nuper fecit dilectus filius Joannes a Nativitate Provinciae Sancti Antonii Brasiliens. Fratrum Minorum Ordinis S. Francisci de Observantia Discalceatorum nuncupatorum in Romana Curia specialis Procurator, quod d. Provincia primordio suæ fundationis sub titulo Custodiæ S. Antonii Brasiliens. Provinciae ejusdem nominis in Lusitania consistenti unita fuit usque ad fel. rec. Alexandrum Papam VII, prædecessorem nostrum, qui eam a d. Provincia Lusitanæ, tum ob earum ab invicem distantiam, multitudinem Fratrum, & numerum Conventuum, tum ob cætera requisita, & ad utriusque partis instantiam separavit, ac in distinctam Provinciam, relicto solum titulo Sancti Antonii, cum addito, Brasiliens. erexit.

§. 2. Hæc autem Provincia exinde, & antea dum Custodia erat, per vastissimum Brasiliæ Regnum ad spatium quingentarum, & amplius leucarum ita dilatata est, ut Minister Provincialis in decursu sui triennalis regiminis, & multo minus Commissarii Visitatores a Ministris Generalibus Ordinis præfati ad canonicam, tam fratrum, quam Conventuum visitationem deputati, vix unquam integræ ejusdem Provinciae visitationem obire valuerint, in grave regularis observantiæ detrimentum, cui ut necessarium applicari posset remedium, omnes Provinciae hujusmodi Fratres tunc in humanis agenti Petro Manero d. Ordinis Ministro Generali supplicarunt, ut formam aliquam boni regiminis pro tam vasta, & extensa Provincia præscribere vellet.

§. 3. Ipse vero Petrus Minister Generalis, post maturam deliberationem, & graviorum Fratrum consultationem, disposuit omnibus d. Provinciae Conventibus sitis ultra Oppidum Spiritus Sancti, & in ejus Districtu, seu Capitaneis fundatis ad tractum Sur nuncupatum, dari debere unum Custodem, qui assistentibus sibi duobus Diffinitoribus vices, & absentias Ministri Provincialis, tam in ordinariis Fratrum correctionibus, quam in Conventuum visitationibus, & electionibus extracapitularibus legitime, & ex totius Provinciae concordato suppleret, utque dicti Conventus, cum ad numerum septem Conventuum crevissent, gauderent titulo Custodiæ, cum vero ad decem Conventus pervenissent, gaudere possent titulo Provinciae.

§. 4. Quam formam regiminis omnes Fratres d. Provinciae, tam Diffinitorii, quam Districtorii in Capitulo Provinciali die 30. Augusti 1657. in Conventu S. Francisci Civitatis Brasiliens. unanimi consensu, & communibus om-

nium votis, nemine prorsus discrepante, vel contradicente, ad majus Dei obsequium, regularis observantiæ incrementum, solamen Fratrum, & levamen Prælatorum Provincialium, & Visitatorum personaliter visitantium, amplexi sunt, & hæc forma regiminis die 22. Junii 1670. per Venerabilem Fratrem Franciscum Mariam Phini Episcopum Syracusan. tunc temporibus Ministrum Generalem ejusdem Ordinis fuit approbata, & postea omni meliori forma, qua fieri potuit in Congregatione Capitulari d. Provinciae Brasiliens. admissa, & ratificata die 13. Decembris ejusdem Anni 1670. a dilecto filio Joanne a Deserto Ministro Provinciali cum communibus omnium Patrum Provinciae, & Diffinitorii votis, ac suffragiis, qui omnes unanimiter cessere juri suo, ac prætensioni contra d. Custodiam, eamque in omni libertate a jure requisita: ut in novam per se Custodiam sub titulo Conceptionis B. Mariæ Virginis Immaculatae erigeretur, ac per proprios, & distinctos Superiores regeretur, constitueretur, & hoc ipsum confirmantes iidem Fratres Provinciae hujusmodi in ultimo Capitulo Provinciali die 22. Augusti 1673. quantum ad erectionem in Custodiam, ac etiam ulterius progredientes sponte, & libere supplicarunt, ut in Provinciam separatam sub titulo jam dicto stabiliretur.

§. 5. Cum autem sicut eadem expositio subjungebat dicta Custodia ad præsens ab ultimo Capitulo hujusmodi in pacifica possessione status Custodiæ distinctæ reperitur, præmissis vero omnibus attentis, quæ vera esse dilecto filio moderno Ministro Generali d. Ordinis constat, concurrentibusque cæteris, quæ ab Apostolicis, & Generalibus Ordinis hujusmodi Constitutionibus ad canonicam novæ per se Provinciae erectionem requiruntur, præfatus Joannes Procurator Custodiam hujusmodi confirmari, ac in novam Provinciam sub titulo prædicto erigi summopere desideret: Nobis propterea nomine dilectorum pariter filiorum Fratrum, tam Provinciae S. Antonii Brasiliens., quam Custodiæ hujusmodi humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

§. 6. Nos igitur eisdem Joannem Procuratorem, & Fratres specialibus favoribus, & gratiis prosequi volentes, & eorum singulares personas a quibuscumque excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatae existunt ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati, attentis narratis, & audito per Venerabilem Fratrem nostrum Franciscum Episcopum Ostien. S. R. E. Cardinalem Barberinum nuncupatum d. Ordinis apud nos, & Sedem Apostolicam Protectorem, cui hoc negotium a Congregatione Venerabilium etiam Fratrum nostrorum ejusdem S. R. E. Cardinalium negotiis, & consultationibus Episcoporum, & Regularium præposita remissum fuerat, præfato moderno Ministro Generali super veritate omnium supra expressorum informante, præfatam Custodiam Conceptionis B. Mariæ Virginis Immaculatae, illiusque Conventus, Domos, & Monasteria quacumque, ac in eis degentes Religiosos, & Fratres quoscumque a d. Provincia S. Antonii Brasiliens. auctoritate Apostolica perpetuo separamus, segregamus, & dismembramus, ac a quacumque Ministri Provincialis, aliorumque Superiorum ejusdem Provinciae Jurisdictione, superioritate, subjectione, visitatione, correctione, Cura, & Gubernio itidem perpetuo eximimus, & plenarie liberamus; ipsamque Custodiam,

Ab altero Ministro Generali die 22. Junii 1670. fuit approbata.

Congregatio Capitularis d. Provinciae Brasiliens. die 13. Decembris d. anni consentit ut in novam Custodiam erigatur.

Capitulum Provinciae die 22. Aug. 1673. erectionem d. Custodiæ confirmavit, & supplicavit ut in Provinciam separatam erigeretur.

Preces.

Absolutio a Censuris.

Pontifex dictam Custodiam in novam Provinciam erigit.

Refertur status antiquus Provinciae S. Antonii Brasiliens.

Alexan. VII. d. Custodiam erexit in Provinciam, & separavit ab altera in Lusitania.

Hujus Provinciae amplius, & incommoda referuntur.

Fratres ejusdem Provinciae supplicarunt Ministro Generali Ordinis pro opportuno remedio.

Variae provisiones Ministri Generalis.

Hanc Regiminis formam accepit Capitulum Provinciale die 30. Aug. 1657.

diam,

diam, ac illius Conventus, Domos, Monasteria, Fratres, & Religiosos hujusmodi sic separatos, & dismembratos, ac separata, & dismembrata in novam dicti Ordinis Provinciam Conceptionis Beatae Mariae Virginis Immaculatae in Regno Brasiliae ad tractum Sur nuncupandam, quae a propriis Ministris Provinciali, Custode, Diffinitoribus, caeterisque Superioribus juxta eisdem Ordinis Statuta eligendis, nominandis, & deputandis, regi, & gubernari bebeat, auctoritate, & tenore praefatis pariter perpetuo erigimus, & instituimus.

Concedit huic novae Provinciae omnia Indulta, & Privilegia quibus gaudent aliae Provinciae ejusdem Ord.

§. 7. Necnon ipsi novae Provinciae sic erectae, & institutae, illiusque Conventibus, Domibus, Monasteriis, ac Ministro Provinciali, Custodi, Diffinitoribus, caeterisque Superioribus pro tempore existentibus, Fratribusque, & Personis quibuslibet, ut omnibus, & singulis Privilegiis, Gratiis, exemptionibus, libertatibus, immunitatibus, praerogativis, Indulgentiis, Indultis, quibus aliae ejusdem Ordinis Provinciae, illarumque Conventus, Domus, Monasteria, Superiores, & Fratres, aliaque Personae, tam de jure, usu, & consuetudine, quam alias quomodolibet utuntur, fruuntur, & gaudent, ac uti, frui, & gaudere possunt, & poterunt in futurum pari modo, & absque ulla prorsus differentia uti, frui, & gaudere libere, & licite possint, & valeant eadem auctoritate harum serie similiter perpetuo concedimus, & indulgemus.

Decretum irritans.

§. 8. Decernentes easdem praesentes Literas semper firmas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quandocumque spectabit in omnibus, & per omnia plenissime suffragari, & ab eis respective inviolabiliter observari. Sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contrariis derogat.

§. 9. Non obstantibus praemissis, ac quatenus opus sit Nostra, & Cancellariae Apostolicae regula de non concedendis Indulgentiis ad instar, aliisque Constitutionibus, & Ordinationibus Apostolicis, necnon Custodia, ac Provincia, & Ordinis praefatorum, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Literis Apostolicis in contrarium praemissorum quomodolibet, concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

Dat. 15. Julii 1675. An. 6.

Datum Romae apud S. Mariam Majorem sub Annulo Piscatoris die 15. Julii 1675. Pontificatus nostri Anno Sexto.

I. G. Slusius.

Registr. in Secret. in Lib. Brevium Mensis Julii par. utraque fol. 318.

Licentia fundandi Conventus, ubique Locorum Ord. B. Mariae de Mercede Redemptionis Captivorum tam Calceatorum, quam Discalceatorum de sola Licentia Ordinariorum Superioribus d. Ord. concessa ad limites Constitutionis Clementis X.

LXXXIX.

CLEMENS PAPA X.

Ad perpetuam rei memoriam.

Militantis Ecclesiae regimini per ineffabilem divinae Clementiae abundantiam nullo licet meritum nostrorum suffragio, praesidentes, ad ea, quae Conventus, & alia loca Regularia ad Omnipotentis Dei gloriam, & Religionis, piorumque operum incrementum, atque Animarum salutem ubique Locorum erigi valeant, propensis studiis intendimus, ac Pastoralis Officii nostri partes desuper interponimus, sicuti omnibus maturae considerationis trutina perpensis, salubriter expedire in Domino arbitramur.

Exordium.

§. 1. Exponi siquidem nobis nuper fecit dilectus Filius Franciscus de Sancto Marco Procurator Generalis Ordinis Fratrum Discalceatorum nuncupatorum B. Mariae de Mercede Redemptionis Captivorum, quod cum dudum fel. rec. Paulus PP. V. praedecessor noster Superioribus, & Religiosis Ordinis Fratrum ejusdem Beatae Mariae Virginis de Monte Carmelo Discalceatorum nuncupatorum, & ubique locorum, quilibet in Districtu suo Domos, & Monasteria juxta Concilii Tridentini Decreta de sola licentia Ordinariorum, nullo aliarum Personarum cujusvis Ordinis etiam Regularium requisito consensu, condere, fundare, & erigere valerent, licentiam, & facultatem auctoritate Apostolica sub certis modo, & forma tunc expressis, concesserit: & subinde rec. mem. Gregorius Papa XV. pariter praedecessor noster eisdem Fratribus Discalceatis Ordinis B. Mariae de Monte Carmelo, illorumque Superioribus, ut Domos, & Monasteria hujusmodi, etiam si illa aliis Domibus Regularibus Ordinum Mendicantium magis vicina essent, quam in Privilegiis illis concessis praescriptum est; dummodo tamen expressus Ordinariorum Locorum ad id accederet assensus, fundare, & erigere possent pari auctoritate indulerit; ac postmodum pia mem. Clemens PP. IX. etiam praedecessor noster literas Pauli, & Gregorii praedecessorum praefatorum super praemissis respective emanatas Apostolica similiter auctoritate confirmaverit, & approbaverit, & alias, prout in ipsius Clementis praedecessoris Literis desuper in simili forma Brevis die 6. Octobris 1668. expeditis, uberius continetur.

Indultum Pauli V. concessum fratribus Discalceatis Carmelitis.

Gregor. XV. d. Indultum ampliavit.

§. 2. Dicitque Paulus, & Gregorius praedecessores similia privilegia Fratribus Discalceatis Ordinis Minorum, seu S. Francisci de Observantia nuncupatorum per suas pariter in forma Brevis die 5. Septembris 1606., & die 23. Decembris 1621. respective expeditas Literas concessisse reperiantur: ipse Franciscus Procurator Generalis Fratres tam Calceatos, quam Discalceatos d. Ordinis B. Mariae de Mercede Redemptionis Captivorum consimilibus Privilegiis, & Gratiis ex nostra, & hujus S. Sedis benignitate decorari summo opere desiderat; nam quamvis hic Ordo omnibus Privilegiis, & exemptionibus, quae aliis omnibus Ordinibus tam Mendicantium, quam non Mendicantium concessa sunt, vigore amplissima concessionis eidem Ordini a nobis per quasdam nostras etiam in forma Brevis Literas die 22. Octobris 1670. ema-

Paul. V., & Gregor. XV. similia Privilegia concesserunt Fratribus Discalceatis Ordinis Minorum S. Francisci de Observantia.

Hic Privilegiis decorari cupiunt Fratres tam Calceati, quam Discalceati Ord. B. Mariae de Mercede. Hic ordo gaudet omnibus Privilegiis, & exemptionibus.